

HYRDINGEN

Nr. 3

September 2021

ÅRGANG 63

Kyrkjeblad for Bjoa, Imsland, Sandeid, Skjold, Vats, Vikebygd, Vikedal og Ølen



Kateketen har ordet	s. 2	Dugnadsånd i Vikedal	s. 5	Minnest Erik Frøyland med takk	s. 8
Redaksjonspennen	s. 3	Friluftsgudsteneste i Vikedal	s. 5	Aldri tie, aldri gløyme	s. 9
Min song	s. 3	Sommarkonsert i Vikebygd	s. 6	Gudstenestelista og kyrkjeboka	s. 10
Nytt semester med trusopplæring	s. 3	Vikestølsmøtet	s. 6	Kunngjeringar og møte	s. 11
Stemnestaden 75 år	s. 4	Hans Nilsen Hauge	s. 7	Sommaraktivitetar	s. 12



HYRDINGEN:

Ansvarleg: Steinar Skartland
Tlf. 908 73 170

E-post: redaksjonen@hyrdingen.no
Bladpengar/gåver til Hyrdingen
på konto: 3240.11.17937 og
Vipps-nr. 53 14 72
Adr. Skjold kyrkje
Kleivavegen 2, 5574 Skjold
Layout/trykk: Omega 365 Design

SOKNEPRESTANE:

Mandag er prestane sin fridag

Soknepresten i Ølen

Kari Vik Stuhaug
Rådhusplassen 1, 5580 Ølen
Tlf 53 65 65 41 / 472 53 529
kari.vik.stuhaug@vindafjord.kommune.no
Kontortid: Etter avtale

Soknepresten i Skjold

Kristian Kyllingstad, Skjold kyrkje,
Kleivavegen 2, 5574 Skjold
kristian.kyllingstad@vindafjord.kommune.no
Kontortid: Etter avtale

Soknepresten i Vikedal

Tsegayesus Hurisa Hunde
Vikedal kyrkjekontor
Kyrkjevegen 11, Pb. 40, 5586 Vikedal
Tlf. 970 38 011
tsegayesus.hurisa.hunde@vindafjord.kommune.no
Kontortid: tysdag–fredag, 9–15

Kateket Britt Karstensen

Tlf 53 65 65 42 / 45 22 15 80
britt.karstensen@vindafjord.kommune.no

Organistar:

Juri Kotkovitch: 416 46 183
Nelly Kotkovitch: 948 23 044

Haugaland prosti:

Pb. 612, 5501 Haugesund
Tlf 52 80 95 00
Prost Rune Steensnæs Engedal
Mobil 918 34 019

Kyrkjevevja i Vindafjord:

Inghart Lasse Tveit, Skjold kyrkje
Tlf. 53 65 57 93
inghart.lasse.tveit@vindafjord.kommune.no
Kontorass. Tove Standal Vaka
Tlf. 53 65 57 96

Soknerådsleiarar:

Skjold og Vikebygd: Sunniva Tveit Gregersen
Ølen og Bjoa: Signe Britt Vik
Sandeid: Ragnvald Stople
Vikedal: Andreas Andreassen
Imsland: Jolaug Sæle Kaldheim
Vats: Elisabeth Stople Gregersen

Kateketen har ordet

Britt Karstensen, kateket



God tur!

Eg skulle ha vore på 5-dagars tur i fjellet i sommar. Ruta var klar, utstyret på plass – til og med været var samarbeidsvillig. Ei vandring i nytt terreng med passe store utfordringar. Slik blei det ikkje. Eit trøblete kne førte til endring av planane. Det blei dagsturar på lette, kjende stiar i staden for. Eg svikta turkameraten min som måtte gå åleine.

I livet hender det også at ting blir annleis enn me tenkte. Kanskje trur me at me skal ein veg...også endar me opp ein heilt annan plass. Kanskje tenkjer me at det er vanskelege dagar i vente, og så blir det heilt greitt, ingenting å uroa seg for. Eller kanskje motsett: den perfekte dagen me såg fram til endar i tårer. Sånn er det på livsvegen – ting skjer. Livet er ikkje stillestående, det er slik det skal vera.

Det siste året har me blitt ganske så vande med å endra planar. Me har måtte læra oss at gamle «sannheiter» må vika i nytt terreng. Det me gjorde i 2019 var ikkje ok i 2020 og 2021, nei sjølv det å gi ein klem blei feil i pandemien. Sånn er det med fleire ting me må ta stilling til i livet. Av og til må me rett og slett endra både meining og vanar.

Som dei seier: «Det er lett å vera pasifist i fredstid»... gamle heltar var visst ikkje verdt ei statue likevel...ord og uttrykk som me i tankeløysa vitsa med tidlegare kunne såra djupare enn me såg for oss... me lærer og

utviklar oss heile tida. (Eg lurar av og til på kva dei om 100 år vil tenkja om oss...? Kva er det me gjer og seier, med våre skylappar og fordommar, som vil vera heilt usmakeleg og beint fram gale i 2121?)

Det er ikkje berre lett å vandra på denne livsvegen vår. Heldigvis har me ein turkamerat og fylgjesven som ikkje sviktar. Jesus har lova å vandra med oss, og han blir ikkje stoppa av eit dårleg kne. Me kan spør om råd, få kraft og mot og er me skikkeleg modige så ber me om rettleiing også (for det kan jo tenkast at Han veit litt meir enn oss om kva som er lurt og rett og sant...?). Han er den same, uansett. Hans kjærleik til oss er konstant og levande og finn stadig nye måtar å nå fram til oss på, tilpassa terrenget der me er. Han gir oss liv og lys på vegen.

Nye dagar ligg framfor oss i haust. Mange kvardagar og nokre festdagar. Korleis dei blir og kva som skjer kan me håpa og tenkja mykje om, men det kjem sikkert nokre overraskingar både på godt og vondt. Uansett korleis det blir så skal du få lov til å leva dei dagane i lag med Jesus. Han sviktar deg aldri. Du treng ikkje gå åleine. Han viser veg. God tur!

Joh 8,12

Jesus seier: Eg er lyset i verda. Den som følgjer meg, skal ikkje vandra i mørkret, men ha livsens lys.

Speidarane på Refsnes

Bilde side 1.
Friluftsgudsteneste på Refsnes i samarbeid med speidaren har tradisjon tilbake til midt på 80-talet. Steinar Sørhus fortel at det var han og Tor Sørhus som starta speidaren i Vats i 1985 og fekk med seg Olav Velde. Dei hadde innviing av kanoar på Refsnes. Då soknepresten fekk

høyra det ville han gjerne ha gudsteneste her. Så har dei halde på tradisjonen. Mest kvart år er det dåp i gudstenesta og med telt over prest og dåpsfølgje er dei ikkje lengre vêravhengige. I år overnatta småspeidarane her i telt frå laurdag til søndag. Det var opptak av unge speidarar og utdeling av merke.

Redaksjons-PENNEN



Av Steinar Skartland

Vi gratulerer alle konfirmantane med dagen, nokre i august og nokre i september. Bileta tar vi i oktobernummeret. Om den vart utsett litt så er det likevel ein festdag med minne dei vil bera med seg gjennom livet. Andre kan samlast igjen i kyrkja og feire 50 års jubileum, andre 60 år.

Gjennom fleire år har det vore endringar i kyrkjeleg organisasjon. Nye endringar står for døra. Denne gongen er det arbeidsgjevar og organisering ein drøftar. Utgreiing vert lagt fram for sokneråd og fellesråd til høyring i desse dagar. Til nå har prestar vore tilsette med prost og biskop over seg, medan andre kyrkjeleg tilsette rapporterer til kyrkjevevja som er dagleg leiar for kyrkjene og underlagt fellesrådet. Det er forslag på å endre dette slik at alle blir i same linja.

Sist år hadde Fellesrådet synfaring på kyrkjene og ein vedlikehaldsplan er oppdatert. Bjoa kyrkje var den siste kyrkja der det var planlagt større oppgraderingar med isolasjon, bordkledning og vindaug. Nå i haust er det Vikedal kyrkje som får utbetringar av dårlege vindaug. Arbeidet er i gong. Ressursane er knappe og vi har 8 kyrkjer i kommunen. Universell tilpassing er ikkje på plass i alle ennå. Om kvaliteten på bygga nå er auka gjennom det arbeidet som er gjort, så vil det årleg vera trong for vedlikehald. Dette er noko Fellesrådet har ansvar for å planleggja, og søker midlar frå kommunen til å gjennomføra. Midlar som ligg inne i rammeoverføringane til kommunen.

Kyrkjene våre er, og skal vera, hus der vi kan samlast i glede, men også i sorg. Folk i bygdene er glade i kyrkjene og seier i frå om ting ikkje er godt nok teke i vare. Rette adresse når ein ser trong for tiltak er kyrkjevevja som har ansvaret for drifta, og som igjen legg fram planar og budsjett til godkjenning i Fellesrådet.

Takk for at du bryr deg om kyrkja.

Min song

Eg heiter Annbjørg Naterstad Våge, bur på Bjoa, og jobbar på Brandøy Misjons- og konferansesenter.



Min song er «Stor er din trofasthet». Ordet «trufast» er på ein måte eit litt stillferdig ord, litt mindre prangande enn mange andre ord som blir brukt i ein del songar. Det er absolutt veldig flott å få bruka desse mektige, store orda og tekstane også. Men det er likevel noko med ordet og eigenskapen «trufast» som gjer at det er dette eg vel som min song. I ordboka blir «trufast» forklart med ein «som ikkje sviktar», og synonyma tru, påliteleg, lojal, vedhaldande og tolmendig er nemnt. Tenk å få tru på og ta imot nåde frå ein trufast Gud! Og få stola

på at eg alltid vil få lov å komma tilbake til han. «Du er den same, din miskunn er evig. Slik som du var, skal du alltid forbli». I ei verd der mykje endrar seg, fortare enn nokon gong før, kan vi stola på at Gud framleis er den same. «Er vi trulause, så er han endå trufast, for han kan ikkje forneakta seg sjølv» (2. Tim. 2,13). «Jesus Kristus er i går og i dag den same, ja, til evig tid» (Hebr. 13,8).

Stor er din trofasthet

Stor er din trofasthet,
Herre og Fader,
Skiftende skygge
når aldri din sti.
Du er den samme,
din miskunn er evig,
Slik som du var,
skal du alltid forbli.

Tidene skifter med
dager og netter,
Soler og stjerner
har oppmerket gang.
Syng, all hans skapning,
og pris ham som styrer.
Lov den allmechtige
Herre med sang.

Ref.: Stor er din trofasthet,
stor er din trofasthet,
Dag etter dag
ga du nåde på ny.
Himmelske hender
gir alt jeg behøver.
Trofaste Herre,
hos deg har jeg ly.

Nåde for synder
og fred uten like.
Mesterens omsorg
til støtte og stav.
Styrke for dagen
og håp for i morgen.
Signing for barnet,
som Gud tar seg av.

Nytt semester med trusopplæring

Av Berit Stople

Nå er me endeleg godt i gong med eit nytt år med trusopplæring. Førre skuleår blei ikkje slik me håpa, med altfor mange avlysingar av ulike aktivitetar. Nå har me tru på eit meir normalt år med samlingar for store og små, rundt om i alle dei flotte bygdene våre!

Tredjeklassingane har alt fått vore på gardsbesøk når du les dette i Hyrdingen. Elles har me også starta opp med babysong i Ølen og Skjold. Utover hausten skal det også m.a. delast ut 4-års bok i alle bygder, det

skal vere Krølle-samling for toåringar, Halloven for 4.–7. klasse og Lys Vaken-samling for 6.-klassingar. Nye konfirmantar er i gong med eit aktivt år med trusopplæring og me håpar at fjorårs konfirmantar vil vere med på MILK-kurs utover dette skuleåret.

Følg gjerne med på nettsida **vindafjord.kyrkjer.no**. Der legg me ut informasjon om dei ulike tiltaka me sett i gong med til dei ulike tidene.

Me gler oss til å treffe mange på aktivitetane rundt om i kyrkjer, bedehus, på gardar og ute og inne!



I tre generasjonar har Stemnestaden vore til stor signing. Mange har fått møta Jesus til frelse og fornying. Nokre kallar den ei perle, andre ein oase. (Foto: Bodil Høie)

Stemnestaden – 75 år

Av Trygve Sandvik

Stemnestaden i Grinde vart vigsla som leirplass i mai 1946, og i år feirar dei 75 – års jubileum. I det høvet er det skrive bok ” Stemnestaden – fra fiendskap til fellesskap”. Forfattarane er: Tor Sigurd Selvåg, Marianne Callaghan og Kørner Høie. Boka er stappfull av stemningar og fakta. Utgangspunktet er at området der leirplassen ligg var tidlegare brakkeleir for tyskarane under krigen, og det var tyskarane som bygde opp leiren. I medlemsbladet til Normisjon Rogaland i år (tidlegare Karmsund Indremisjon) har Kørner Høie ein artikkel om korleis Karmsund Indremisjon fekk tak i dette området. Kort fortalt hadde Indremisjonen eit aktivt leirarbeid ovanfor leirplassen , men dei hadde ikkje noko overnattingsplass og måtte difor leiga lokale rundt omkring med dei ulemper det medførte med å skaffa utstyr i dei leigde lokala og tilbakelevering. Det var derfor eit stort ønske frå Indremisjonen å ha ein fast plass som stod ferdig når leirane starta.

Kretssekretær Knut Fosså Rørtveit i Indremisjonen på den tida fortalde at i 1943 på Grinde , fekk han eit syn om at bygginga til tyskarane denne gongen var bygging for Indremisjonen. Med utgangspunkt i at tyskarane før eller seinare ville tapa krigen, og at området

då ville verta selt, starta han i løynd innsamling til ny leirplass utan at nokon skulle vita kvar det var.

Då krigen var slutt, var pengane på plass i banken, og alt 11. mai 1945 gjekk søknaden til departementet om å få kjøpa plassen. Utpå hausten 1945 vart det utstedt skøyte til Karmsund Indremisjon på eigedom og bygningar for 30 000.

Etter at Indremisjonen hadde fått tak i leirplassen, starta jobben med bygging utover vinteren og våren. Etter hardt arbeid med fleire arbeidslag på dugnad, var det innviing 26. mai 1946 med stor fest. I følge Haugesunds Avis kunne det vera 3–4 tusen menneske. Det som var hestestall for tyskarane, var no omgjort til møtesal, som etter nokre år romma 750 personar. Kjøkkenbygningen hadde matsal til 160 personar og møtesal for 140. Det var overnattingsplass til 130 personar.

Kretssekretær Knut Fosså Rørtveit saman med kone og born var den drivande krafta som fekk utvikla eigedomen til ein praktisk og fin plass med mykje strev og slit i dei første tiåra etter krigen.

Sjølv om strevet med å byggja opp

leirplassen til sine tider var både utfordrande og krevjande, har alltid målet vore å gjera denne til ein betre reiskap for å spreia evangeliet. Vitnemåla frå dei mange barn og unge som har vore på leirane, fortel om ei tid der dei gjennom lek, moro og alvor fekk varige minne for livet enten det var venskap som vart stifta, ord som vart hugsa eller den gode opplevinga saman med andre.

Stemnestaden er ikkje berre ein leirplass for barn og unge. I jubileumsåret er plassen utvikla til å vera ein samlingsplass for alle generasjonar der folk samlast til møte, festar, arrangement av ulike slag, og det er ein møteplass for ulike kyrkjesamfunn og kristne grupperingar.

Og bak alt dette lyder det kristne budskapet om Frelsaren som vart fødd, og som gav livet sitt for å frelsa menneska. Dette gir kraft for dei som driv plassen, og det gir kraft for dei mange støttespelarane rundt omkring til å gi både pengar og arbeid til fornying og utstyr på plassen.

For dei som er interessert i jubileumsboka, kan denne tingast frå stemnestaden@normisjon.no eller ta kontakt på telefon 97 58 99 56.

Dugnadsånd i Vikedal

Av Anne Gro Magnus

Soknerådet i Vikedal har hatt fleire dugnadsøker denne våren. Før 17. mai samlast me til dugnad på kyrkjegarden for å få det fint til nasjonaldagen. Då gjekk det i fjerning av ugras, trimming av hekk og planting av sommarblomar. Etter dugnad over to kveldstunder vart det fint på plassen rundt kyrkjegarden.

Eit par veker etter var det klart for måling av bedehuset. Det var oppmøte både frå soknerådet og bygdefolk til å få jobben gjort. I løpet av nokre fredags ettermiddag/ kveldstimar og laurdag føremiddag var huset nymåla og fint.

Nå framstår Vikedal bedehus som eit svært godt halde hus, og er til stor glede og nytte for folk i Vikedal. Det er lagt ned eit veldig stort stykke arbeid for å oppgradera huset både innvendig og utvendig. Alt er gjort anten på dugnad eller av innsamla midlar gjennom ulike arrangement i regi av soknerådet og ungdomsklubben.



Tordis Bakkedal, Marit Særsten, Bjørghild Vettrhus og Tone Andreassen.



Andreas Andreassen og Hilde Fosen.



Anne Gro Magnus, Marit Særsten

Friluftsgudsteneste i Vikedal

Tekst og foto: Andreas Andreassen



Foreldre: Ragnhilde Grimås og Thorbjørn Bruarøy

Vikedal sokneråd arrangerte friluftsgudsteneste på motorbanen i Vikedal søndag 1. august. Sokneprest Tsegayesus Hurisa Hunde heldt gudsteneste i eit flott sommarvêr, på terrassen i det oppgraderte anlegget til NMK Vikedal. Juri Kotkovitch var organist. Preiketeksten var frå 18. kapittel i Matteusevangeliet, der tilgjeving og kjærleik er sentrale tema.

Dei to brørne Berge og Sigurd Grimås Bruarøy vart borne til dåpen. Etter gudstenesta var det kyrkjekaffi med nysteikte vaflar og tid til ein god prat. Soknerådet håpar at gudsteneste på motorbanen kan bli ein tradisjon, og takkar NMK Vikedal for velvillig utlån av anlegget.



Gabrielas Sång, med Lina Fisk Eide og «Tveit-gjengen».



Øystein Birkeland

Sommarkonsert i Vikebygd

Av Ingrid M. Sørvåg

Sundag 11. juli var det sommarkonsert i Vikebygd kyrkje. Dette er ein del av kulturdagane «Vikemusikk» som har blitt arrangerte dei siste åra.

Det var utfordrande dette året å arrangere kyrjekonsert, kor mange kunne få vere med utan at det ville gå utover smittevernet? Det er også spennande å finne artistar som kan vere med midt i feriemånaden. Dei som deltok var ein flott miks av unge og vaksne, av fastbuande og ferierande. Særleg kjekt er det å leggje merke til at kulturskulen i Vindafjord gir godt grunnlag for ungdom som vil drive med musikk.

Her er dei som var med:

- Kaia Kornelia Alne og Åsmund Hjorthol Opedal
- Caroline Thordal Bjørnevik og Heidi Lyngholm
- Øystein Birkeland
- Robert Gausvik
- Iselin Eidhammer Tveit, Håvard Tveit, Ellen Marie Andersen, Sunniva Tveit Gregersen, Ingrid Tveit
- Lina Fisk Eide

Det blei ein fin konsert, kyrkja var så full som ho kunne vere og det var tydeleg at folk likte det dei høyrte. Me fekk klassikarar som «Summertime», me fekk Dylan på haugesundsk, rocka gitar med Robert og roleg klassisk med Caroline og Heidi. Oddbjørn Mangrud

hadde god kontroll på teknikken. Siste songen me fekk høyre var Gabrielas Sång, med Lina Fisk Eide og «Tveit-gjengen». Eg trur teksten seier noko om kvifor det var godt å samlast i kyrkja denne ettermiddagen:

*Det är nu som livet är mitt
Jag har fått en stund här på jorden
Och min längtan har fört mig hit
Det jag saknat och det jag fått
– Helen Sjöholm*

Overskotet av konserten var 5000 kr som blei send til Kirkens Bymisjon Haugalandet. Dei takka for gåva, som er eit kjærkome bidrag i arbeidet med å skapa betre kvardagar for menneske som strevar på ulike vis.

Hans N Hauge

Tone: Jesus din søte forening å smake
Tekst: Jørgen J. Landa 2021

Ungguten gjekk der på marka og pløygde
Song sine salmar så glad i sitt sinn!
Då Han fekk kallet for Gud han seg bøygde
Ut for å vitna og sjelene vinn!
Stilte seg villig og ut han då farta
Gjekk over landet i nord og i sør!
Alle folk tykte det var heilt aparta
Opna for mannen som fekk slik god bør!

Vitna han måtte for dette det rette
Prestane måtte og leva eit liv!
Slik han dei mange fekk tala til rette
Hauge han peika på Herrens sitt bliv!
Folket dei samla seg - Hauge å høyra
Kring om i bygdene venner han fann!
Alle dei måtte få dette i øyra
Morgonen store for mange då rann!

Prestane samla seg – kongen vart varsla
Møtene ville dei snarast få bort!
Plakaten han var der og fangerom rasla
Men mot han Hauge dei kom her til kort!
Kringom han reiste og alle han hjelpte
Fekk i gang verksemder ivra støtt på!
Dette var livet som aldri han sleppte
Livet for han var å hjelpa dei små!

Så vart han fengsla i fangerom for han
Der vart han sitjande heile ni år!
Før han til sist han vart fri, men ei mulkt fann
Mannen som gav mange hjå oss godt kår!
Etter den tida misjonen fekk feste
Misjonslandet kom ja, det beste så bra!
Dette me alle i dag kan få teste
Misjonane mange dei står rad i rad!

Me hyllar deg Hauge med dette du synte
Enno me lever og fruktene ber!
Ja, over landet det her berre lynte
Me fekk vår grunnlov og Noreg var her!
Takk, takk for Hauge som lydig fekk vandra
Gav oss Guds ordet og viste fram liv!
Så me her sidan i lag me ei klandra
Norge mitt Norge vårt einaste bliv!

28.03.21.jjl



Haugianerne. Adolph Tidemand 1848.

Hans Nielsen Hauge og Vindafjord

Av Øivind Jønsson

3. april 2021 var det 250 år sidan Hans Nielsen Hauge (1771–1824) vart født. Han var ein kjend lekpredikant, industrigründer og samfunnsbyggjar. I 1802 og 1804 var Hans Nielsen Hauge på reise i bygdene her. Han hadde då fleire møte hos Tobias Sjursen Måge på Svantesvold i Vats, og på Bjerga i Skjold.

Etter Hauges besøk var det fleire flokkar av haugianarar her. I nokre av dei sto det fram predikantar – både menn og kvinner. Ei «predikantinne» (uttrykk frå H. N. Hauge) var svært aktiv og omtykt: Kristi Gundersdatter. Ho levde frå 1794 til 1862. I nokre år budde familien hennar på Øverland i Fjellgardane i Vikedal. Nokre år var faren forpaktar hos von Krogh i Hogganvik. Ein gong før 1812 flytta så familien til Tørresdal. Kristi høyrde Hauge då han var i Vats. I 1818 kom ho i teneste hos Anders Ihle. I 1824 gifta ho seg med husbonden sin. Ho var då ivrig haugianar og heldt samlingar der ho både tala og song.

Etter at Anders Ihle døydde, blei Kristi gift med Sjur Tobiasen på Svantesvold. Ho heldt fram som "predikantinne" kring i bygdene med Svantesvold som eit haugian-



artyngdepunkt. Samlingane i Ølen var oftast hos fargaren Nils Halvorsen.

Ein annan haugianar, som verka samtidig med Kristi, var Ole Eriksen Lø frå Ilsvåg. Han hadde slik hug til å få tala med Hans Nielsen Hauge at han la i veg over til Austlandet, og treffe han ved Papirmølla på Eiker ved Drammen. På folke-munne blei Ole kalla Ola Guds-mann. Kristi og Ole hadde også haugianarsamlingar nede i Osen etter gudsteneste på preikesøn-dagar.

Mange "predikantinner" sto fram i haugianarmiljøet kring om i landet. Kristi Svantesvold var ei av dei mest kjende av desse.

Kjelder: Soga om Vats (Haugianismen av Ole Johan Lindø)



Vikestøls møtet

Av Steinar Skartland

Så møttest vennene igjen på Vikestølen i slutten av juni. 70 i talet benka seg utanfor hytta.

Inge Halstensen frå Bekkjarvik tok oss med i eit interessant føredrag frå kristninga av Noreg og fram til i dag. Hans Nilsen Hauge som vart fødd for 250 år sidan, fekk mykje å seia for utviklinga som er prega av hans virke, inspirasjon og forkynning. At møtet klokka 12 varte lengre enn vanleg, var det ingen som uroa seg for.

Både føredraget og talen over teksten, som Halstensen også fekk tid til, nådde fram til folket. Talaren

nemnde at han ikkje trudde det var slike stemne lengre nå. Når han fekk spørsmål om å delta, så var det lett å svara ja, og han vart positivt over-raska over frammøtet.

Ein held på tradisjonen i Vikestøls-møtet. Matøkt med niste og eit ekstra møte på slutten av dagen (også det med godt frammøte). I solskinet vart det både forkynning, bøn, allsong, flott song av ei gruppe med Guro Stople Sørhus saman med dottera Amalie, Geir Tore Sørhus og Jan Åge Brekke. Deltaking også frå fleire andre. Jørgen Landa hadde dikta song til Vikestøls møtet.



(Foto: Misjonsalliansen)

Minneord: Minnest Erik Frøyland med takk

Av Helga Sørhus

Erik Frøyland kom til Solberg Skule i Øvre Vats som lærar hausten 1966. Han var 19 år, nettopp ferdig på gymnaset, og skulle vera lærar for oss i 6. og 7. klasse. Det var modig gjort! Han var ung, kom køyrande på motorsykkel og var som eit friskt pust inn i skulevardagen vår. Han hadde ein måte å vera på som fenga oss unge. I løpet av dette året starta Erik ei bibelgruppe for ungdommar i Øvre Vats. Ganske mange blei med. Me kjende at det var sterke krefter i sving, for og imot Erik og det å gå i denne gruppa. Og det var vondt då venneflokkar blei splitta. Denne bibelgruppa var grunnlaget for at det blei skipa eit kristeleg ungdomslag i Vats. Me er mange som er glade for at me fekk ungdomstida vår der. Og svært takknemlege for at Gud fekk bruka Erik på denne måten i bygda vår.

Erik lærde oss å syngja denne songen:

"Hvor underlig er du i alt hva di gjør, hvem kan dine veier forstå? Men ett er dog sikkert: den vei du meg før', for meg er den beste å gå. Å, Herre du veier i tusentall har, og hvilken du velger for meg, får være det samme når blott du meg tar til Himmelen sammen med deg."

Den har kome i tankane mine nå. Erik, som betydde så mykje for mange og som gjorde ein forskjell der han kom, opplevde dei siste åra å mista kreftene og også evna til å snakka. Eg undrar meg over at Gud let det skje. – "Hvem kan dine veier forstå?"

Erik hadde Parkinson sjukdom og døydd i heimen sin i Japan 21. mai. Han bygde eit livsverk der, Diaconia Senter, saman med kona og borna. Det gror i spora hans både i Vats og i Japan.

Takk for det han ga og betydde for meg og mange andre!


Misjonær Erik Frøyland av redaktøren

- Født 21. august 1946
- Opphavelg frå Skjold
- Døydde 21. mai 2021 i heimen sin i Haramura i Japan
- Utdanna Teolog (MF) 1974
- Ord.prest i Skjold kyrkje 1979, og vart innvigd som misjonær
- Reiste til Japan i 1979 for Misjonsalliansen
- Vart gift i 1985 med Noriko Shiote og fekk døtrene Martha og Manna.
- Bygde opp ei kyrkje og sjelesorgsenteret Diaconia Center.

Noriko og Erik jobba saman for å utbreie Misjonsalliansens tanke om diakoni og kyrkjelyden sitt ansvar for vanskelegstilte. Det store høgdepunktet var nok då dei i 1990 kunne innvie Diaconia Center. Etter det store jord-skjelvet i Japan i 2011 deltok Erik i viktige diakonale tiltak for ramma menneskje. Erik la i sitt liv la stor vekt på bønn og stillheit, og han gjorde ofte Frans av Assisis ord til sine: Forkynn evangeliet – om nødvendig med ord. «Vi tener menneskje med hender og føter», sa han i eit intervjuet med Misjonsalliansens magasin.

Erik hadde mange vener i bygdene våre og me vil lysa Guds fred over Erik sitt gode minne.

GRAVSTEIN



Se vår store utstilling, eller ring og be om katalog.

www.skattkjaer.no

Skattkjær Skiferindustri as

Ørpetveitsvn. 59 • tlf. 52 70 42 90

Mandag-fredag kl. 07.30-15.30 • Torsdag til kl. 18. Lørdag stengt.

LUNDENESET VGS
- en kristen internatskole i Ølensvåg

Vi tilbyr

- IT og medieproduksjon
- Salg, service og reiseliv
- Studiespesialisering
- Påbygging til generell studiekompetanse

Les mer på www.lvs.no

Knapphus Bil

5576 Øvre Vats Tlf. 95 10 55 76

Knapphus Dekk & Bilverksted

5576 Øvre Vats Tlf. 52 76 73 12

GRANBERG GARVERI AS

Bjoavegen 187 - 5582 Ølensvåg
Tlf. 52 76 50 00 www.granberggarveri.no

Haugesund Sparebank

BLOMAR TIL GRAVFERD

Me leverer alle typar sorgbinding. Ølen Begravelsesbyrå har bøkene våre, med mange bilde. Spør om å få sjå dei, eller ta kontakt med oss direkte. Du finn oss og på nettet.



Ølen Blomster

Tlf. 53 76 88 35 • www.olensenter.no



joker

Vikebygd Landhandel AS

Tlf. 53 76 91 69 - Faks 53 76 91 01 - joker.vikebygd@ngbutikk.net

Ølen Betong

Tlf. 5377 5200 - www.olenbetong.no

Ølen auto

tsrevisjon

Autorisert regnskapsførerselskap

www.tsrevisjon.no
Karmsundsgata 4 • 4250 Kopervik

SpareBank 1
SR-BANK



Aldri tie, aldri gløyme

Av Ingrid M. Sørvalg

Kyrkjeklokkene ringte over heile landet den 22. juli klokka 12, til ære for dei som døydd i Oslo og på Utøya. Kyrkja ville markera ti-årsminnet, og også visa at me må vera på vakt. Me skal ikkje gløyma. Dei som er døyde, fortener det. Dei som lever og skal leva, treng det.

Vikebygd kyrkje var open, folk kom innom, berre for å sitja stille, lytta til orgelmusikk eller tenna lys. Det var òg markeringar i andre kyrkjer i kommunen.

Dato	Stad/kyrkje	Tid	Informasjon – sjå kunngjering av endringar på vindafjord.kyrkjer.no	Bibeltekst
04.09.2021	Ølen kyrkje	10:00	Konfirmasjonsgudsteneste, Takkoffer: Kyrkjelydsarbeidet	Laurdag
04.09.2021	Ølen kyrkje	12:00	Konfirmasjonsgudsteneste, Takkoffer: Kyrkjelydsarbeidet	Laurdag
05.09.2021	Ølen kyrkje	11:00	Konfirmasjonsgudsteneste, Takkoffer: Trusopplæring i Vindafjord	Sø. Luk.10,38-42
05.09.2021	Sandeid kyrkje	11:00	Konfirmasjonsgudsteneste, Takkoffer: Konfirmantarbeid	Sø. Luk.10,38-42
05.09.2021	Skjold kyrkje	11:00	Gudsteneste, Takkoffer: Kirkens SOS i Norge	Sø. Luk.10,38-42
11.09.2021	Bjoa kyrkje	11:00	Konfirmasjonsgudsteneste, Takkoffer: Kyrkjelydsarbeidet	Laurdag
12.09.2021	Vats kyrkje	11:00	Gudsteneste, 4-årsbok, Takkoffer: Sambolabo	Sø. Matt.5,10-12
12.09.2021	Ølen kyrkje	11:00	Gudsteneste, Presentasjon av konfirmantar, Takkoffer: KRIK	Sø. Matt.5,10-12
12.09.2021	Imsland kyrkje	11:00	Skulestartgudsteneste (felles), Takkoffer: Lokal trusopplæring	Sø. Matt.5,10-12
12.09.2021	Bjoa kyrkje	16:00	Gudsteneste, Presentasjon av konfirmantar, Takkoffer: KRIK	Sø. Matt.5,10-12
19.09.2021	Skjold kyrkje	11:00	Familiegudsteneste, Takkoffer:	Sø. Luk.7,11-17
19.09.2021	Vikedal kyrkje	11:00	Konfirmasjonsgudsteneste, Takkoffer: Konfirmantarbeid	Sø. Luk.7,11-17
26.09.2021	Ølen kyrkje	11:00	Gudsteneste, Konfirmantjubileum, Takkoffer: Leger uten grenser	Sø. Matt.8,5-13
26.09.2021	Sandeid kyrkje	11:00	Gudsteneste, Presentasjon av konfirmantar, Takkoffer: konf.arbeid	Sø. Matt.8,5-13
26.09.2021	Vikebygd kyrkje	11:00	Gudsteneste, Takkoffer: Misjonsprosjektet, Konfirmantjubileum og konfirmantpresentasjon	Sø. Matt.8,5-13
26.09.2021	Imsland kyrkje	17:00	Gudsteneste, Presentasjon av konfirmantar, Takkoffer: konf.arbeid	Sø. Matt.8,5-13
03.10.2021	Skjold kyrkje	11:00	Gudsteneste, Takkoffer: Kristent Arbeid Blant Blinde og Svaksynte	Sø. 5.Mos.30,11-15
03.10.2021	Vikedal kyrkje	11:00	Gudsteneste, Presentasjon av konfirmantar, Takkoffer: konf.arbeid	Sø. 5.Mos.30,11-15
10.10.2021	Imsland kyrkje	11:00	Misjonsgudsteneste + 4årsbok, Takkoffer: Det Norske Misjonsselskap	Sø. Mark.10,2-9
10.10.2021	Vats kyrkje	11:00	Misjonsgudsteneste, Takkoffer: Det Norske Misjonsselskap	Sø. Mark.10,2-9
10.10.2021	Ølen kyrkje	17:00	Gudsteneste, Takkoffer: Frelsesarmeen Haugesund	Sø. Mark.10,2-9
17.10.2021	Sandeid kyrkje	11:00	Misjonsgudsteneste + 4årsbok, Takkoffer: Det Norske Misjonsselskap	Sø. Luk.16,19-31
17.10.2021	Skjold kyrkje	11:00	Gudsteneste, Takkoffer: Kirkens Nødhjelp, Konfirmantjubileum	Sø. Luk.16,19-31

FRÅ KYRKJEBOKA

	Døypte	Døde	Vigde
Bjoa	23.05.21 Magnhild Haug	08.05.21 Anton Kåre Sørensen f. 1930 03.06.21 Sigmund Tveit f. 1924	24.07.21 Kamilla Harestad og Ole Lønning Solvang
Sandeid	09.05.21 Jonas Grønnestad Mæhle 25.07.21 Eveline Nordtveit	17.05.21 Brønla Aarak f. 1929 06.06.21 Åse Agnes Blikra f. 1946	31.07.21 Randi Stople og Magne Remman
Ølen	23.05.21 Aron Nordtveit Rullestad 04.07.21 Vegard Langelandsvik	17.05.21 Bjarne Noralf Lone f. 1937 17.05.21 Signe Helene Windsand f. 1927 21.06.21 Terje Ljosnes f. 1948 30.06.21 Mikkel Ingvald Djuvik f. 1933 16.07.21 Synneva Flesland f. 1923 06.08.21 Per Olaf Berge f. 1961	31.07.21 Linda Randa og Tom Kvam Sæterdalen
Skjold	18.05.21 Ragnheidur Solveig Ingolfsdottir 30.05.21 Odin Nikolai Eide Knutsen 20.06.21 Olav Nådland 08.08.21 Agnes Haraldseid 08.08.21 Emil Mortveit 08.08.21 Viljar Steinstø Mortveit 08.08.21 Helge Emil Aass	26.06.21 Åse Agnette Ersland f. 1955 06.07.21 Askild Rullestad f. 1934	
Vats	23.05.21 Karianne Tørresdal 27.06.21 Thea Log Rødde 18.07.21 Andreas Mørk Stråtveit 18.07.21 Benjamin Hatteland Shelton 15.08.21 Jakob Andreas Stølen-Ness		19.06.21 Ida Louise Wollertsen og Thomas André Kleppe
Vikedal	20.06.21 Nora Eintveit Steinsholt 01.08.21 Berge Grimås-Bruarøy 01.08.21 Sigurd Grimås-Bruarøy		07.08.21 Bodil Kristin Hundseid og Erlend Hallingstad Vikedal
Vikebygd	23.05.21 Sofie Skartland Hovda 26.06.21 Lucas Deniz Ozberk Dommersnes	01.02.21 Kristen Bjørnevik f. 1934 30.07.21 Jane Kristin Veim Dommersnes f. 1966	26.06.21 Silje Dommersnes og Magnus Rønning

“Lat oss ikkje halda oss borte når kyrkjelyden vår samlast” (Hebr. 10,25)

Kyrkjetunet i Ølen

07.09	tysdag	19:30	Bønnemøte/bønnevandring
09.09	torsdag	17:30	Internasjonalt treffpunkt
09.09	torsdag	17.30	Vindafjord Soul Kids (5–10 år)
11.09	lauddag	11:00	Vindafjord Soul Children (5.–10. klasse)
12.09	søndag	17:00	Opningsfest
14.09	tysdag	19:30	Bønnemøte/bønnevandring
16.09	torsdag	17.30	Internasjonalt treffpunkt
19.09	søndag	11:00	Familiesamling
21.09	tysdag	19:30	Bønnemøte/bønnevandring
23.09	torsdag	17.30	Internasjonalt treffpunkt
23.09	torsdag	17.30	Vindafjord Soul Kids (5–10 år)
23.09	torsdag	19.30	Fellesforum. Kåsør: Esther Moe
24.09	fredag	18:00	Bønnemøte – Fellesskap på tvers
24.09	fredag	19:30	Fellesskap på tvers
28.09	tysdag	19:30	Bønnemøte/bønnevandring
30.09	torsdag	17.30	Internasjonalt treffpunkt
05.10	tysdag	19:30	Bønnemøte/bønnevandring
09.10	onsdag	19:30	Damenes aften
07.10	torsdag	17.30	Internasjonalt treffpunkt
07.10	torsdag	17.30	Vindafjord Soul Kids (5–10 år)
09.10	lauddag	18:30	Misjonskonsert Ølen kyrkje
12.10	tysdag	19:30	Bønnemøte/bønnevandring
19.10	tysdag	19:30	Bønnemøte/bønnevandring
20.10	onsdag	19:00	Egil Svartdahl, Ølen kyrkje
21.10	torsdag	17.30	Internasjonalt treffpunkt
21.10	torsdag	17.30	Vindafjord Soul Kids (5–10 år)
23.10	lauddag	11:00	Vindafjord Soul Children (5.–10. klasse)

Vågen bedehus

Atterhald om koronatiltak. Oppdatert kalender på [vaagenbedehus.no](#)

04.09	lauddag	12:00	Bibeltime – Talar: Gunnar Ferstad
04.09	lauddag	20:00	"Grill en bibelskolerektor" Talar: Gunnar Ferstad
05.09	søndag	11:00	Storsamling – Talar: Gunnar Ferstad. Eige opplegg for borna.
08.09	onsdag	20:30	Bønnemøte Storsamling på Bygdasenteret med søndagsskole og middag på Brandøy. Talar: Karl Einar Tvedt
15.09	onsdag	20:30	Bønnemøte
18.09	lauddag	19:30	Temasamling – tro og medier Seminar v/ Jarle Haugland fra Tro & Medier
22.09	onsdag	18:00	Nettverksmøte for søndagsskulen
22.09	onsdag	20:30	Bønnemøte Storsamling for hele familien Stad: Bygdasenteret. Talar: Olaug Vigdal og Marianne Muff Eriksson
29.09	onsdag	20:30	Bønnemøte
06.10	onsdag	20:30	Bønnemøte
10.10	søndag	11:00	Storsamling med søndagsskole og dåp Stad: Bygdasenteret. Talar: Preben Solvang
13.10	onsdag	20:30	Bønnemøte
20.10	onsdag	19:30	Møte – Talar: Asbjørn Handeland
21.10	torsdag	19:30	Møte – Talar: Asbjørn Handeland
22.10	fredag	19:30	Møte med kveldsmat og samtale Stad: Bygdasenteret. Talar: Asbjørn Handeland
23.10	lauddag	17:00	Generasjonssamling Stad: Bygdasenteret. Talar: Asbjørn Handeland
24.10	søndag	11:00	Storsamling med søndagsskole Stad: Bygdasenteret. Talar: Asbjørn Handeland



Egil Svartdahl kjem til Ølen 20. oktober

Me prøver frimodig igjen: 20. oktober får me besøk av den kjende og kjære «TV-pastoren».

Egil Svartdahl er eit kjent andlet frå mange fjernsynsprogram og har fått mange følgjarar og sjåarar gjennom serien «Plussord» på Face-book. Programmet «Reisen hjem», gjekk i fleire sesongar på fjernsyn.

Overskrifta for samlinga i Ølen blir også «Reisen hjem», og Svartdahl kjem til å dela historier frå eit mangfaldig liv, frå reiser rundt

om i landet vårt og frå personar han har møtt på vegen. Han fortel ærleg frå si eiga «reise» i sentrale spørsmål som har med kristen tru og tvil å gjera.

Det er Kyrkjetunet som står som arrangør for samlinga, og me gler oss til å høyra Svartdahl «live». Me ønskjer at så mange som mogleg skal få vera med på ein kveld som dette. Set av denne kvelden i oktober, og ta del i livsvisdomen som Svartdahl villig og meisterleg formidlar til folket. Det vert også song og musikk av lokale krefter. Frå november og utover blir det seks kurskveldar på Kyrkje-tunet der Egil Svartdahl er med oss gjennom

Bedehusa i Skjold

07.09	tysdag		Austrheim: NMS Misjonsselskap
09.09	torsdag		Ersland: Bønemøte
11.09	lauddag	10:30–12:00	Kyrkja: Avanaklubb
14.09	tysdag		Isvik: NLM Misjonssambandet
21.09	tysdag		Ersland: Samemisjonen
22.09	onsdag	18:00	Ersland: Basar Indre Sjø
23.09	torsdag		Ersland: Bønemøte
25.09	lauddag	10:30–12:00	Kyrkja: Avanaklubb
28.09	tysdag		Austrheim: Flymisjonen
29.09	onsdag		Isvik: Bedehusbasar
30.09	torsdag	16:00–18:00	Kyrkja: 60 +
05.10	tysdag		Isvik: Indre Sjømannsmisjon
07.10	torsdag		Ersland: Bønemøte
12.10	tysdag		Ersland: NMS Misjonsselskapet
19.10	tysdag		Austrheim: Normisjon
21.10	torsdag		Ersland: Bønemøte
23.10	lauddag	10:30–12:00	Kyrkja: Avanaklubb
23.10	lauddag	12:00	Ersland: Bedehusbasar
25.10	måndag	16:00–20:00	Austrheim: Innsamling Ukraina
26.10	tysdag		Isvik: Normisjon
28.10	torsdag	16:00–18:00	Kyrkja: 60 +

Bedehusa i Vats

08.09	onsdag	19:00	Øvre Vats – Flymisjonen
15.09	onsdag	19:00	Blikrabygda – Indre Sjø
22.09	onsdag	19:00	Kårhus – Normisjon
29.09	onsdag	19:00	Øvre Vats – Godt Nytt
06.10	onsdag	19:00	Blikrabygda – NMS
13.10	onsdag	19:00	Kårhus – Indre Sjø
20.10	onsdag	19:00	Øvre Vats – Lys over Land

Vats Pensjonistlag – Årsmøte

NESHEIMTUNET 28. sep. kl. 17.00–19.30

Har DU lyst å engasjere deg for pensjonistane i Vats? Me treng lokale krefter som kan hjelpe oss å drive Vats Pensjonistlag vidare. Det er eit godt fellesskap og kjekt å treffe andre pensjonistar fra bygda. Me får besøk frå Rogaland Pensjonistforening. Årsmøtesaker, kaffi, smørbrød og kake, utlodding, song og opplesing. Kristian og Anny blir med. VELKOMEN. – *Kjellaug Eike*

Brandøy Misjons- og konferansesenter

Leirar hausten 2021

13.–15 september	Kvinnedagar
5.–7. november	Hausttreff
12.–14. november	Mannsweekend (NY!)
19.–21. november	Miniadventshelg
26.–28. november	Ten-helg
3.–5. desember	Adventshelg

Informasjon og påmelding:

[indremisjonssamskipnaden.no](#) eller tlf. **53 41 07 04** (IMS).

korte videoar. Hovudtemaet på kurset er «Velkommen hjem». Her inviterer Svartdahl oss inn i samtale om sentrale tema som tru, håp og frelse. Kurset er ope for alle. Kanskje lurar du på kven Jesus er og kva tru eigentleg er for noko? Det blir enkel servering, sosialt fellesskap og gruppesamtalar på desse seks samlingane.

Datoane for dette kurset er 3.11., 17.11., 1.12., 5.1., 19.1. og 2.2. Har du spørsmål eller ynskjer å melda deg på kurset? Ta kontakt med Glenn Terje Iddeland (95811512), Liv Herborg Wold (98885560) eller Helge Johan Stautland (91804775).

Sommaraktivitetar

Av Øivind Jønsson

Etter eit år med få store samankomstar har mykje retta seg denne sommaren. Kristi himmelfartsdag, 13. mai, var det fellesgudsteneste i Imsland. Folk frå ei rekkje av bygdene i Vindafjord møtte fram og nytte å vera saman i det fine veret. Soknepresten, Hunde, leia gudstenesta på stranda utanfor kyrkja. Etterpå var det kyrjekaffi og noko underhaldning.

6. juni var det friluftsgudsteneste på Refsnes. Kristian Kyllingstad var no på plass att etter permisjonstida. Speidarane var som vanleg med, og etter sjøve gudstenesta var det opptak av nye speidarar. Mange var med og nytte denne fine sommar dagen, også med grillmat og bålkaffi.

Folk frå Ølen, Bjoa, Vikebygd, Skjold og Vats har samlast til møte på Vikestølen ein gong om sommaren heilt



Friluftsgudsteneste på Refsnes (foto: Steinar Sørhus)

sidan år 1900. 27. juni var det tid for stemnet i år, og heile 70 møtte til to møte. Eit sentralt tema var foredrag ved Inge Halstensen om Hans Nielsen Hauge, sidan vi i år markerer 250 år for hans fødsel.

Også sommarleirar var det mogleg å arrangera i år. På "Vi over 60"-leiren

på Lundeneset i juli var det over hundre påmelde. I tillegg kom også folk frå bygdene omkring til desse møta. På Brandøy Misjons- og konferansesenter fekk dei gjennomført alle dei fire leirane sine for barn og familiar, og 21.–22. august vart det Brandøyhelg. Sjå også side 5 og 6.

Basar ved Imsland kyrkje

Av Marita K. Staurland

Onsdag 21. juli var det duka for basar ved Imsland kyrkje. Soknerådet hadde stelt i stand med kaker og drikke attåt, samt sal av både lodd og årer. Grunna korona og litt annleis forhold, vart ikkje basaren halde på bedehuset slik som alle føregåande år, men arrangementet tok plass utandørs i skinande sol på kyrkja sin parkeringsplass. Her fordelte dei frammøtte seg med utsikt mot fjorden.



Basar ved Imsland kyrkje.

Belgtøttene stod for musikk denne kvelden og fylte parkeringsplassen med livlege trekkspeltonar. Kretssekretær i Indre Sjømannsmisjon, Svein Helge Torsteinbø, heldt andakt, og Morten Brekke stod for trekning. Nokon av dei mindre barna som



Belgtøttene stod for musikken.

hadde møtt opp bidrog gladleg med utdeling av gevinstante. Mange av premiane var heimelaga og donert av bygdefolket, blant anna sokkar og pledd som kom godt med utpå kvelden då sola gjekk ned og temperaturen sank.

Andaktstelefonen
380 91700
Åpent bele døgnet!
Ny andakt tirsdag og fredag
Tjenesten er gratis

Korleis har du det... EIGENTLEG?
Eit menneske å snakke med når livet er som verst
SOS-Chat: www.soschat.no
Kirkens SOS 22 40 00 40
SOS-melding: www.kirkens-sos.no

Neste nummer av Hyrdingen kjem ut 21. oktober.

Frist for levering av stoff: 28. september